

吳伯雄
編

陳壽祺全集

45



廣陵書社

陳壽祺全集



廣陵書社

第四十五冊

卷二百四十七 國朝人物 隱逸傳 藝術傳 僑寓傳 一

卷二百四十八 列女 福州府（一） 六一

卷二百四十九 列女 福州府（二） 二〇七

卷二百五十 列女 福州府（三） 三一七

卷二百五十一 列女 福州府（四） 四五三

重纂福建通志卷之二百四十七

人物

國朝隱逸傳

福州府侯官縣蔡在新

興化府莆田縣康崑 仙遊縣林炅

泉州府晉江縣王傳 何琦 南安縣李世珣 惠安縣劉

士拔 同安縣劉思睿

汀州府連城縣林霞起

福寧府口口縣王賡

國朝藝術傳

福州府閩縣林寵

謝天

齊洪超

高體華

侯官縣陳師鎬

李根 長樂縣方大彪 福清縣郭鼎京壘懋 何泓郭林

洪京子沐 連江縣陳萬淇鄭增 林能 古田縣陳五鼎

陳疇 永福縣林其美

興化府莆田縣周韓起崔岱等 林宸弼周如

泉州府晉江縣陶碧顏超 郭徽 陳震岳 郭士曇施光發 王

蓼莊克 何大成朱天 何天伯徐鏡 南安縣黃士炯 楊士珩

陳明樸 惠安縣黃彥標顏霽光 何中安 同安縣陳世

胄 莊漁劉運 蔡元真 林仁李正 歐陽佐 施瑚璉 洪

潮和 安溪縣李清冕 潘靈芝 張儀羽詹池淑

漳州府龍溪縣魏萬黃巖 仙藜楊士章 漳浦縣趙彥衡 海

澄縣曾圭玉子仲芳 仲

延平府南平縣樂斌 安行 王禮許桂芳 謝克章 順昌

縣陳鯉饒從泰 沙縣李美子碩 徐永安縣張光國陳體白 蔡廷

壁 縣貫未詳鄧璜

建寧府建安縣周江周京 甌寧縣郭張勳 傅元沂黃元祥 建陽

縣應作舟 江錦城 崇安縣彭雄飛 王新運 李廷寮

浦城縣王一材陳如登 張雲翼吳永渭莊坤

邵武府邵武縣曹概林鳳韶 虞元亮 徐璋 建寧縣徐國

鎬弟銳 吳姜衡廖家鼎 徐中安孔端直 泰寧縣江孔殷張星

童祖緒

汀州府長汀縣吳士鳳 鍾英 楊玉輝 寧化縣黃慎

張韻巫理 歸化縣劉光宇李廷俊 連城縣李森 上杭縣鄧天林

武平縣李燦 李春暉

福寧府霞浦縣陳順禮 寧德縣陳堂崔文亮等五人陳起元 馮

佳壁 王凝

臺灣府臺灣縣許遠盧周臣徐元 林元俊 徐恢續莊敬夫等五人

鳳山縣曾明訓 嘉義縣馬琬 縣貫未詳王之敬

永春州德化縣涂雲琳鄭琪陳雷 大田縣郭福順范應魁

國朝僑寓傳

福州府福永仁王龍光沈天成朱彝尊 查慎行弟嗣琛傅王露 靖

道謨 魯曾煜 杭世駿 陳兆崙 姜虬綠 陳黃中

沈廷芳 吳嗣富 姜宏泰 沈學淵

建寧府吳梅柳

邵武府周銓 朱軾 魯仕驥

汀州府徐元文 申繹芳

臺灣府郁永河 李安善

國朝隱逸傳

福州府侯官縣

蔡在新字又新別字未極先世濟陽人明初從信國公湯和略定閩地世襲福州右衛百戶居侯官後以功加秩正千戶在新兄長韞襲職在新好讀書尤喜擊劍騎射爲諸生自歎帖括無用有橫襟獵纓之志鬱鬱庠序間甲申後建議固城垣策戰守當事頗采其言徵辟下而國變矣有異僧石田者慕其高義時往來握手談甚懽所著有薪膽紀略等書多自焚燬僅存逸稿數篇愁思要眇

讀者等之天問卜居焉

興化府莆田縣

康崑字于玉布衣家徒四壁學詩於甌離子能自出新意不拾前人吐餘畫亦不減王叔明每秋高風起輒攜酒登山仰天長嘯時人比之阮嗣宗早年不娶晚寓其友林亦山山林茶閣中自知逝日

仙遊縣

林良字孟良御史蘭友從子博極羣書從不與試親老家貧課徒以養親病醫未效繼以割股嘗曰山林吾樂也如願足矣有問及御史當時事輒悲涕不爲置對因自號曰嘿齋

泉州府晉江縣

王傳不知何許人康熙間僦居晉江年老無妻子賣草爲食人呼賣草翁日從市歸輒閉戶焚香吟哦窺者莫測也時阮旻錫結泉山詩社傳得其社題作之錫見大驚詢其履歷終不肯言後題詩南安不老亭知縣某誦之使人物色傳知而避遂不知所終

何琦字禮康少讀書搜奇探奧有不可一世之概既長族兄秉忠知四川昭化縣因偕往縱觀巫峽諸勝胷益開拓爲詩力追陶潛古文辭則浸淫文選而掇其精華每遊名山大川古跡輒有題詠或止題其遊歷年月而去書法自成一家每醉後潑墨揮灑自如至山東館於復聖齋顏岳清家凡岳清著作多經更訂衍聖公聞其名聘修曲阜縣志相國陳世瑄奇之延至京後遍歷湖湘東西粵到處席不暇暖同鄉官獻瑤督學粵西往謁焉居之署中復攜

以遊諸郡每遇停舟卽登山徘徊不忍去舟人趣解纜遣人蹤跡
乃得之至桂林輒辭去問其何往曰吾將至衡山一遊獻瑤因囑
臨桂令爲具薪米送往劉仙巖居焉琦在巖中閉目靜坐出必竟
日或連日始歸採食松楸與樵子傾談若素習山中住持始猶尋
覓繼亦聽其自往自來後竟不知所終

南安縣

李世珣號望巖精劍術善琴棋嘗團練鄉勇以禦寇衛鄉里康熙
初施烺辟爲副將不就隱於雄山麓搢紳慕其爲人多與遊黃雲
叟亦有詩贈之

惠安縣

劉士拔字茅士讀書不應試聚鄉黨子弟而教之採竹葉以當茶

摘花實以爲飯時或吟詩以寄意人以顛目之

同安縣

劉思睿字愧聖康熙甲午武舉人豪俠自喜遊京師與光祿卿福寧林祖成交善及歸結茅於三秀之新巖湖湖在山顛四面無人煙廬僅容膝逍遙高卧經年履跡不至家自號醒園嘗指石曰余前夢夢今乃獨醒斯石所以志也時野服葛巾投竿於黃磔之龍潭與萬濤之石榻日往來十餘里泉清水冷俱少魚思睿意不在魚魚亦無所得而垂綸不厭也隱三秀凡十七年年六十病且革家人將迎歸夷然曰此吾瑕邱也又焉歸遂卒於山中葬其廬之後

汀州府連城縣

林霞起字赤章歲貢生善鼓琴卓犖有奇氣耿逆之亂僞將劉應麟駐汀州一日索善琴者或以霞起應馳召之霞起白衣冠抱琴入長揖不拜曰此非鼓琴所拂袖竟去起既不受僞劄築室於冠豸山中苦無水撰文祭之水從山頂噴出竟成清渠名曰沃泉巖福寧口口縣

王賡精天文易學隱居洪江教授生徒海寇鄭芝龍聞其名兩徵以金卻之不受

國朝藝術傳

福州府閩縣

林寵字異卿工楷書倣歐陽詢而間以黃庭之意一時文士奉爲模楷福州題榜多出其手同縣謝天游工書善畫有米芾倪瓚筆

法並爲時所重

齊洪超字儀魯大父任吾以醫名時東南遭倭亂民多露宿多泄瀉暴斃之疾巡撫許某校刻薛氏保嬰全書以濟世通其學者惟齊氏洪超初受業於漳浦黃道周學易象後以母鄭氏病痢卒輒以不早習醫爲恨因究心醫理以傳家學貧者與藥不受直鄉人稱爲仁醫遭耿氏之亂族有貧而竄身戎伍者捐金贖之更給以衣食

高體華號碧巖善畫能詩尤精山水嘗對鏡作荔甘瓜苦行樂圖以寄意林則徐爲之序名流多題詠焉

侯官縣

陳師鎬字道雍諸生博覽醫家言而專精於兒科於痘疹尤善服

其藥無不愈者或證不可治豫斷死期不爽晷刻自乾隆十五年冬至十六年夏小兒多患痘殤師鐫凡一百九十餘日日治數百人全活無算後以年老每日坐廳事待病者至視其病之急者先診之故病者恆惴惴焉恐其先及不以久候爲苦也年八十七卒李根字雲谷工詩精篆籀之學嘗註廣金石韻府鐫圖章直逼秦漢畫皆有遠致閉戶食貧蕭然高詠煩則吮筆爲江上數峯以自娛悅而已

長樂縣

方大彪字猷宗太醫院治定之子年二十卽以醫名診脈知人貴賤壽夭人呼方半仙乾隆四十二年邑令王傳病篤羣醫束手大彪獨言可治一劑而愈令以額旌其閭

福清縣

郭鼎京字去問詩芊綿可愛畫如之又精蠅頭小楷嘗以一幅楮寫楚詞全部又於一幅寫陶詩全集紙皆高不踰尺橫不過二寸許又書蘇蕙織錦迴文詩縱橫數十圖計字五萬餘筆筆倣歐陽率更法無少局促態尤奇絕同時龔懋鑒字克廉亦以書法擅名何泓字挺生善畫筆法盡韓趙米沈之妙同里郭綱字筆紀學畫於泓能得其筆法至老益工

林洪京字志文諸生精醫家言遊京師負盛名後浙撫李某延致幕府卒於杭年七十八子沐字子明能世其業雍正八年舉爲醫官孫昭素亦精其術邑稱爲三世醫

連江縣

陳萬淇字慶淮善繪事尤工山水澱墨皴染得巨然筆意老愈工舊志繪圖皆出其手同里鄭增俞聖時皆以善書名

林能字孔賢精醫術診脈能預知數年後生死嘗曰岐黃之妙後世鮮聞若王叔和劉河間輩惟師其意勿泥其方可也郡有婦人患胎病羣醫莫能治能至詢婦人所食主人曰食鷓鴣耳能曰夏氣方盛鷓鴣食半夏必半夏毒也治之立愈

古田縣

陳五鼎字斯至諸生善醫有遠鄉人年七十有二疾危甚五鼎診之曰此人不特不死且可延十年翌日果愈稔其無子勸之納妾曰按脈當有一子及歿時子八歲矣著有脈經八卷

陳疇字箕臣歲貢生精岐黃術有一人素強健無疾診其脈決其